



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Animae Illvstres Ivliae Cliviae Montivm Marchiae
Ravenspurgi Morsae Annexarvmqve Provinciarvm E
Monvmentis Calamo R. P. Theodori Rhay. Societatis Iesv
Redivivae**

Rhay, Theodor

Neobvrgi Ad Danvbium, 1663

Ivlivs.

urn:nbn:de:hbz:466:1-10835

Societas nunc pro templo utitur, delatus est, tamdiu istic piâ veneratione colendus, donec in nouum, quod DEO adiuuante nunc confurgit templum, tansferendus, debitâ religione ac cultu honoretur. Ob tempestates noxias, ipso invocato, sæpius mirabiliter Cælo serenato fugatas, eius publico typo expressæ imagines, unâ cum tribus Chronographicis, sacrum eius adventum exprimentibus, illud Ecclesiæ adiectum supplicium: S. DONATE Martyr ora pro nobis, ut liberemur à fulgure & tempestate. Ex eius Collegij Annal.

IVLIVS.

Die I.

 *HUMBIS, siue in pago Thumb prope Nideccam Iuliacense Municipium translatio trium SSS. Virginum FIDELI, SPEI & CHARITATIS filiarum S. SOPHIÆ, que sub ADRIANO Cesare anno partæ salutis C. XXX. cum neque blanditijs, neque minis à Christianâ fide declinantes paratè potius mori, quàm fœdari moribus Ethnicorum, constanter prætoris impietatem essent detestatæ ferro cæsæ victrices animas Cælo transmiserunt. Triumphat etiâ insigni hac Virginû*

Q

Triade

*Triade earumque reliquiarum parte GUNDELFONSTEIN
Oppidum in Prumia tanto quoq, thesauro ditatum.
Ex Annal. Perar.*

II.

CREVENRADII in nobilem Religiofa-
rum Montium Asceterio adventus Reliquiarum
S. CATHARINÆ Virginis & Martyris; quæ
multis retro sæculis, & ad nostram hanc
usque ætatem multis virtutibus coruscant.
Acquisiuit eas nobili Monasterio venerabilis Virgo
CATHARINA Comitissa de Huchesvagen isthic
Religiosa A. C. M. CC. IX.

IV.

CLoriosa memoria ELIZABETHÆ Cognata
B. RICHEZÆ, Portugalia Regi DIONYSIO
nuptæ, quæ Regum Pacificatrix, annis ferè post
mortem trecentis, suavissimo Corporis incorrupti
odore perseverat; & nuper totius orbis Christi-
ani applausu ab VRBANO octavo ritè sanctis ad-
scripta est. Ex vit. Eiusdem.

VI.

CAudet hodie Cive suo Consule NOVESIVM
Urbs ad Rhenum non ignobilis, qui Comen-
sium olim Antistitem agens, loca plurima magnis
virtutibus

virtutibus ditavit, quem nomine suo *Novesium* imo, nî fallor, *suo ille Novesium beavit. Ex Annal. Per. VII.*

Theodorus eius nominis *nonus Comes, sextus & vigesimus Clivensis*; cui virtutum fama celebre *cognomen* a pietate fecit. vixit sub HENRICO *septimo Luxenburgensi, & LUDOVICO quarto Bavaro Imperatoribus, ex Margaretha ultimi Geldrie REINHOLDI Comitîs gnata. Vnicam tantum Filiam reliquit, Margaretham etiam appellatam, ADOLPHO quinto Marcano Comiti in ordine decimo nuptui datam.*

Quibus vero artibus *Heros hic* ad Provinciarum suarum & *augustissimos* per imperium titulos ascenderit, ut *Pius* audiret; gradus illi fecerunt in primis erga *DEVM insignis religio* & *admiranda eius virtus, quæ ornare ex decore Principem posset.* Nec minùs *spectabilem reddidit eum prudentia, non illa quidè Pseudopolitica & quæ in Carnis simulationis & dissimulationis puncto consistat, sed quæ altioribus, atque à Deo, & verè prudentibus probatis principijs innixa nemini non amabilem & commendabilem præstitit Piumque fecit.* Hanc nominis eius pietatem ita sanè auxit nativa eius clementia, ut sive à manifestis hostibus, si-

ve suorum & sanguine Coniunctorum, & collatis in illos beneficijs obnoxiorum iniurijs la-
cessitus, facilius ferme contra diffidentium spem
& expectationem fuerit ad veniam largiendam,
quàm illi ad deprecandum prompti, & accurati.

Docuere hanc clementiam gesta eius bella, nunquam nisi pro pace & religione prove-
henda, & tantâ quidem fortitudine suscepta,
ut semper vicerit, & triumpharit.

WILHELMO *Hollandia Comiti Traiectum* ob-
sidenti auxilio fuit, & ne captam longâ obsidi-
one Vrbs, incolis deletis, excinderetur *nostri*
THEODORI monitis & Ioannis Arculei Episco-
pi potenti intercessione factû, ut ueniã & vitã ci-
ues eâ lege invenerint ut discalceati & seminudi
Comiti supplices fierent, veniãque delictorum
postularent.

LUDOVICI quoque *Imperatoris*, maximis
promissis allectus, partes secutus est: & EDOAR-
DO *Anglorum Regi* suppetias contra PHILIPPVM
VALESIVM *Francorum Regem* tulit: ubi ultimo
eoque cruento in prælio 28000. hominum cæ-
sis, PHILIPPVS fugatus est, & *Caletum* diurnâ
circumvallatione A. C. 1345. in Anglorum po-
testatem devenit. Sed in his alliisque bellis sem-
per piã

per piâ clementiâ usus, quantum (salvâ iusti-
tiâ ac legibus belli licuit) â cædibus & sangui-
ne temperavit.

Ceterum pace vicinis cum provincijs initâ,
singulare eius gaudium fuit subditorum suorum
pietatem augere, ducto â solemni translatione
S. Margaritæ Martyris A. C. 1321. postridie eius
festi initio. Diva hæc plurimis annis in *Veteris
Campi* asceterio quieverat, quam pijs precibus
ab eius loci *Prælato Patribusq;* impetratam incre-
dibili subditorum concursu totiusque Cliviæ
applausu in Cliviopoleos Ecclesiam transtulit.

Anno â Partu Virgineo 1334. 18. Calend.
Martij in eminenti ad *Calcariam Monte Mon-
reberga* amplissimum Canoniorum Collegium
fundavit, quod Walramus Iulius Colonienfium
Archiepiscopus inauguravit. Illud verò 18. Mar-
tij. A. 1341. Cliviopolim, Walramo approbâte,
Theodorus transtulit; & *primum benedictum Lapi-
dem in fundamenta* misit: ut his versibus Petrus

Verhagius eiusdem collegiatæ scho-
larcha cecinit:

Flos Comitum Imperij Prorex, tibi Regibus orbe:
Dant Pater & septem nominis omen Avi.
(Alberti) satus es gnata seu Nepte Rudolphi.
Qui primi Austriadum scepra tulere domus:

Q 3.

Perte

Per te Munreiuo dotata Ecclesia Clivos
 Migrat, & ipsa tuis Vrbs viget alta bonis.
 Imperij laus summa fuit domuisse rebelles;
 Sed maior dici réque fuisse PIVM.

Præter hæc & plura alia similia sacella templa
 & loca sacra hostium incursionibus gravissimè
 afflicta non instauravit modò, sed & splendidè
 exornavit. Egenis, & reverendis Patribus S. Fran-
 cisci in vrbe residentibus varias ac liberales ele-
 emosynas dedit. Politica eius opera, licet pluri-
 ma & commendanda, studio prætereo; hoc uni-
 cè optandum, ut tanti viri memoria innotetur,
 & studiū in alijs excitari queat laudatissimā eius
 facinora imitandi, in mores suos ac vitæ ratio-
 nes inducendi, ac transportandi. Ex mortalibus
 Clivis 1343. 7. Iulij ad immortales transijt: in
 templo istic à se fundato ac dotato inter pias
 subditorum lachrimas Pius Theodorus conditus
 est, in decretoria illa die uberem laborum, do-
 norum, pietatisque suæ à liberalissimo IESU
 mercedem relaturus. *Ex Pighio & Annalibus.*

XIV.

RESSÆ in *Clivia*, Publicis Litanijs invo-
 catur B. DENTILINVS *Confessor*, rarum
 ac breve teneræ ætatis miraculum, annis non
moribus

moribus, adolescens, gratiâ curationum conspicuus, ibidem cum sancto suo Patre VINCENTIO Comite in æde B. Virginis, quam vivens ardentè coluerat, quiescens. Ex fast. Gelenianis.

XVIII.

INGENETWILLERE *Juliensis Agri ad Duram Pago, qui nunc Arnoldivillarum, vulgò Tarzoviller dicitur, Festū S. ARNOLDI Musici, qui ex Græcia Symphoniæ artibus instructus ad CAROLI MAGNI Aulam veniens, Imperatoris animum plus pietatis, quàm iacunditatis Harmoniâ ita affecit, & ad subditorum commiserationem inflexit, ut de publico pauperibus magno silvarū tractu (quē prandente Cæsare, celericursu obequitando, fide & expectatione maiorem descripsit) lignari liceret. Sancti huius corpus superioribus triginta annorum Germaniæ bellis, campestri & aperto ferè templo non sine vicinorum insigni admiratione illæsum stetit. Mart. Can. & Fast.*

XVIII.

COlitur & *Heisterbaci venerabilis THEODORICVS ex illustrissimo WIDANO Comite ibidem humilis maximarūque virtutum Religiosus. Qui*
in

in longo Religionis Martyrio, mundo mortuus, terrenam gloriam respuens, ultimo Spiritu mirè recreavit fratres, quem effudit hymnum AVE MARIS STELLA, decantans; nempe ut in *Virginis laudibus*, cuius semper præcipuo in obsequio vixerat, vocem vitamque finiret. *Ex fastis Gelenianis.*

XVIII.

Est & in veneratione ARNVLPHVS *Episcopus Metensis PALATINI sanguinis*, qui multa pauperibus erogavit. Humanæ inde vitæ ludibrio & periculis altiùs perpenfis, populi frequentiam relictâ, se in inuiam, & desertam silvam abdidit, in qua plurimis annis vigilijs, jeiunijs, silentio & orationibus vacans, nemine conscio Angelicam vitam egit, ac inter eosdem felicissimè nunc quiescit. Vir qui in deserto & dulci suo silentio absorptus, *tacendo meruit ut omnis illuminatus loquatur.* *Fast. Gelen.*

XX.

IN Aldenbergicâ Abbatiâ felix exitus venerabilis WICBOLDI *Culmensium Antistitis*, & exulis, qui *Veteris Montis nobilissimam Basilicam* impendijs suis à fundamentis restauravit

restauravit, ac Dioecesin suam urbemque, suâ nobilitatum *morte* reliquit, *dignissimus* certè qui *at*ternis *litterarum* monumentis *in*feratur. *Ex Men. & Appar. Gelen.*

XXII

IN RHENO ad *Regimagum*, & *Dusseldorpij* in *Montibus S. Martyris APOLINARIS Raven-* *natensum* *Episcopi*, qui captus quòd impiâ er- *rorum* caligine occæcatus ad fidem *Christi* con- *verteret*, & *idola* adorare renueret, diu diside- *ratum* *Martyris* præmium feliciter consecutus *est. Ex Fast. Gelen.*

XXV.

S. *GUILLIELMVS* origine *PALATINVS*, ex *Montis Pessulani Domino* *Monachus* *Ordinis Cistertiensis*, eo profugiens, ubi splendorem à *Maioribus* acceptum *religiosæ familie* consortio celaret, *perspicuæ innocentie*, & *integritatis Religiosus*, nos exemplo suo docens, *mundum piè fallere*, *Monachos inter Angelus* vixit. *Ex Annal. Ord.*

XXVI.

MARCODVRVM *Julie* *delicium*, frequen- *tissimam* vicinarum *Regionum* urbiùm- *que* *accursu Magnæ Christi Avie ANNÆ* na- *talem* recolit: *Cuius venerandum CAPVT* inter
R
multa

multa & varia prodigia istic coruscum, CÆLO & IULIO *Papa Romano Iudice* possidet, ab anno *Incarnationis Dominice M. D. V. cuius* etiam *continuxæ presentie Patrocinio Vrbs*, (CAPITE ex ea nunquam elato) gratanter adscribit sese triginta tribus annorum continuis bellis tot inter obsidiones rerumque vicissitudines feliciter immotam, & à flammis excidiòque immunem stetisse, humili prece rogans, vt *Vrbem suam* porrò sancta *Patrona* incolumem florentemque servare maternè velit. *Mart. Can.*

XXVII.

ALEXANDER Leodiensium Episcoporū XXXII. ALEXANDRI *Romani Pontificis* iussu unà cum REGINALDO *Coloniensium Archiepiscopo astante* FRIDERICO *Imperatore, Palatinis, alijsque plurimis summæ dignitatis Presulibus Lipsana S. CAROLI MAGNI* levavit A QVISGRANI, & in feretro argenteo piæ populi venerationi exposuit. *Ita sancti post longas noctis tenebras in terris lucem vident magnam. Ex Annal. Leodiens.*

XXIX.

S. OLAI, de sanguine RICHEZÆ, *Norwægie & Dania Regis, Regum Regis Preconis & Apostoli*

postoli Gentium, qui à Germana suo captus, Feriâ etiam sextâ Cruci affixus, tres in ea horas, ad exemplum SOTERIS cum pependisset, horâ diei item nonâ Sanctum Spiritum in manus Conditoris emisit. CORPVS eius illæsum ignem triumphavit: integrumque persistens, multas ac magnas virtutes operatum est. *Ex Alberto Crantzio.*

XXXI.

IN *Julie, Clivie, Montium. Soc. IESV Collegijs festum S. Patriarchæ IGNATII Loyolæ, qui nihil præter DEI Domini sui gloriam, & Iuventutis in litteris ac pietate profectum, vel maximè expetebat, omnibus omnia factus, ut CHRISTO lucrifaceret. Quo ardore succensus misso ad prædicandum Indis Evangelium S. FRANCISCO XAVERIO, aliisque in alias mundi plagas, ad Religionem Christianam Catholicam propagandam disseminatis, Ethnicæ superstitioni, hæresique bellum indixit, ingenti Orbis Christiani bono. Quem proinde GREGORIUS Decimus Quintus magnis in Ecclesiam meritis, & miraculis illustrem, Sanctorum Fastis adscripsit: ad quos Româ anno M. D. LVI. feliciter evolavit. Lipsanis suis, per hæc & alia Collegia passim relictis. Ex vita eius.*